

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-25-000 516

Tuzla, 12. juni 2025. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05, 22/06, 63/10, 7/13 i 52/14), člana 8. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17 i 60/17) i člana 126. j. Pravilnika o sistemu za automatsko upravljanje predmetima u sudovima (CMS) („Službeni glasnik Bosne i Hercegovine“, broj 4/16, 37/16, 84/16, 40/17, 34/18, 34/19 i 61/20) predsjednica Kantonalnog suda u Tuzli podnosi

I Z V J E Š T A J

**o provedenoj provjeri tačnosti i ažurnosti unosa podataka u CMS
za period od mjeseca januara do mjeseca juna 2025. godine**

U skladu sa odredbama člana 126. a. do 126. l. Pravilnika o sistemu za automatsko upravljanje predmetima u sudovima (CMS) u Kantonalnom sudu u Tuzli je provedena provjera tačnosti i ažurnosti unosa podataka u CMS-u u periodu od mjeseca januara do mjeseca juna 2025. godine.

Provjera je izvršena pojedinačno za svakog sudiju, sem 3 sudija koji su otišli u penziju i 2 sudija koji se nalaze na dužem bolovanju, i to u 5 predmeta sudije po referatima i statusu predmeta automatskim odabirom predmeta kroz CMS izvještaj „Lista predmeta za provjeru kvaliteta podataka“ po unaprijed postavljenim parametrima, a sve u skladu sa Smjernicama za provjeru predmeta krivičnog i prekršajnog referata i Smjernicama za provjeru predmeta parničnog, privrednog, vanparničnog, izvršnog, upravnog i zemljišno – knjižnog referata.

Provjera je provedena upoređivanjem fizičkog stanja sudskog spisa sa elektronskim stanjem sudskog spisa, odnosno stanjem podataka evidentiranih u CMS-u, u smislu provjere njihove tačnosti, potpunosti i blagovremenosti evidentiranih podataka.

Rezultati provjere koji su utvrđeni, kao i uočene nepravilnosti konstatovane su u Obrascu broj 3. – Izvještaj o provedenoj provjeri tačnosti i ažurnosti unosa podataka u CMS.

Uočene nepravilnosti u svim pregledanim prvostepenim, drugostepenim krivičnim predmetima i drugostepenim prekršajnim predmetima odnosile su se na slijedeće nedostatke:

- U nekim predmetima nedostaje popunjeno polje „Općina/Opština mjesta izvršenja krivičnog djela;
- U nekim predmetima nedostaje podatak „Vrijeme i mjesto počinjenja djela“;
- U dva krivična predmeta nedostaje matični broj optuženog lica i
- U jednom drugostepenom prekršajnom predmetu nedostaje porezni broj pravnog lica.

U drugostepenim parničnim predmetima i predmetima upravnog spora nije bilo utvrđenih nedostataka i nepravilnosti ni u jednom predmetu.

Nedostaci koji su se ticali nedostatka u predmetu podatka o vremenu i mjestu počinjenja krivičnog djela i općine izvršenja krivičnog djela uneseni su naknadno i ti nedostaci su na taj način otklonjeni, s tim što je u jednom predmetu broj 03 0 K 025558 25 Kp 2 nije se moglo unijeti vrijeme i mjesto počinjena djela, jer je u tom predmetu u predistražnoj fazi traženo od suda samo izdavanje naredbe za oduzimanje medicinske dokumentacije radi vještačenja.

Također u predmetu ovog suda, u kojem je nedostajao jedinstveni matični broj optuženog lica, nedostatak je otklonjen unošenjem naknadno jedinstvenog matičnog broja optuženog lica.

Također nisu utvrđene nepravilnosti ni u provjeri predmeta kojima je zadužena predsjednica suda.

Predsjednica suda će i dalje, shodno odredbi člana 126. k) Pravilnika o sistemu za automatsko upravljanje predmetima u sudovima, preduzimati mjere za prevenciju nepravilnosti, kao i u prethodnom periodu, cijeneći da će se istim podići nivo kvaliteta podataka koje sudovi imaju obavezu evidentirati u CMS, shodno Pravilniku o sistemu za automatsko upravljanje predmetima u sudovima.



PREDSJEDNICA SUDA

Indira Hadžimehmedović